

Cloarec a Chevans.

Cloarec a Chevans deus a guenou
en deveus lazet mab eun otru

en deveus lazet mab eun otru
en pen baly k/gadiou

C'hoas en deus lazet mab eur c'here
Ag a re ar bouteïer dar Roue.

Cloarec ar Chevans din leveret
Pelec'h e voac'h pa(1) voac'h kemeret ?

— en hostaliri vras nag en plourin
Dirag va bizach an tri seurt gwin.

Dirag va bizach an tri seurt gwin
ar bara gwiniis ag ar resin.

Pa e don-me er prison en gwenet
var-non-me vo a teïr dor alchweet

Enon me ne moa compagnon ebed
Nemet al logot ag ar rachel

nemet al logot ar razet du
ar re ze voa dime ar cundu

Me a zo bed sei'z sizun gren
eb clevet na cloc'h nag overen.

Eb clevet na cloc'h nag overen
Eb ober sin ar groas em c'herc'hen.

Me a moa teïr c'hoar ag a garien
ag a ia (g)wisket a satin wen.

ag e vichen(t) (g)wisket en mezer aour
ma collont o henor setu paour

Ar genta a nezo a zo mari
va malloz a pedan gati.

honey a trempe dime va souben
Beb sul arog mond d'an overen.

An eil anezo a zo Françeza
A bede va zad d'am c'horija

ounez a doa lavaret abred mad
ar boureo a uzche va dillad

An drede a nezo a zo janet
eur c'haodisserez a wazet.

Pa e c'hlefot muiä e c'hodissa
Livirit dizi dond d'am distaga ;

Livirit dizi eb er len
Dond da zistaga he breur doc'h ar corden.

Na mar d an me d'ar passefos
Me ranko kaout eur goële clos

ag eur plac'hic coant pa deui an noz

ne meus ked affer a vourc'hizez
Gant aon ve klan gant an Naplez
evel c'hoari dide solierez

— Me a bourchasso did eur fumelen
A vezo anavezet ar c'hanaben

eur penad korden keit a va brec'h
Cloarec a savo deoc'h an ec'h

Me ne ket palamour d'am laëronsi
E staget va dourn doc'h ar c'hoc'hi ;

Balamour d'eun tamic folentez
Klouer iaouank lakid evez.

François boulc'h, (dit adrien), boulanger et
cabaretier à Pontéon. 22 sept. 52.

(1) *Peut-être doit-on lire : pe ?*